

Udako Euskal Unibertsitateko  ikastaroak Iruñean

Arregi: «Europak ez daki nora joan nahi duen»

Gasteizko Gobernuak Kultura sailburu ohiak Europa izan du mintzagai Larraonan

Joseba Arregik Europa izan zuen mintzagai atzo, Iruñeko Larraona ikastetxean eman zuen hitzaldian. Klasera sartu baino lehen Europaz, bere batasunaz eta Euskal Herriak izan dezakeen eginkizunaz eleketan aritu zen. Bere ustez, «Europak ez daki argi nora joan nahi duen».


IRENE ARRIZURIETA / IRUÑEA

EGUNKARIA.— Nola ikusten duzu egun Europako Batasuna?

JOSEBA ARREGI.— Nik momentu honetan Europa ez dut inondik inora ongi ikusten, zurrumbilo batean sartua dago eta ez dut uste argi dakienik nora joan nahi duen eta bere etorkizuna zein den. Arrazoi nagusia estatu nazionala dago, estatua nola sortu den, zer ezaugarriekin eta ezaugarri horiek barruan daukaten kontraesan nagusia. Hori askatzen ez den bitartean ezinezkoa izango da Europa.

EGUNKARIA.— Europaren erakuntza ekonomikoa posible da?

ARREGI.—II. Mundu Gudaren ondoren sortu zen Europa batu beharra, bake ideia izan zen. Baina konturatu gabe bake ideia izan ondoren batasun ekonomikoa bihurtu da eta batasun eko-



Arregiren ustez, Europaren batasun politikoa blokatuta dago.

MONTERO

nomiko horren bidean pauso handiak eman dira. Orain, pauso handi horiek aurrerago joateko momentuan daudenean sartzen dira ekonomikoak ez diren beste arrazoi batzuk. Arrazoi horiek dira, hain zuzen, nazio estatuaren ikuspegitik sortzen direnak. Baina nik uste dut batasun ekonomikoa aurrera joango dela modu batera edo bestera, nahiz eta moneta bakarra ez lortu. Politika mailako batasuna, berriz, momentu honetan argirik gabe dago, halako gela ilun batean sar-

tua. Hain zuzen nazio estatutik datozen kontraesanak askoz ere indartsuagoak direlako, eta horri erantzen badiogu erabakiak hartzeko orduan bidegurutzean dagoela Europa, badirudi bata bestearekin jartzea ez dela erraza, eta horrek areagotu egiten du momentu honetan Europaren biguintasuna.

EGUNKARIA.— Defizit hori ez da demokratikoa izanen?

ARREGI.— Europa sortzen da batez ere ez Estatuan egin den eraketa politiko bezala, admi-

nistrazio zentralak konpetentzia batzuk ditu, autonomiak beste batzuk, baina Europaratuak ez ziren horrela egin. Arazo bat planteatzen da eta Bruselako Batzordeari esaten zaio: 'konpondu arazo hori'. Orduan honi eman zaizkio arazoa konpontzeko behar diren ahalmen guztiak eta hortik etorri da izugarritzko inbasioa. Azken batean Europak egin beharko duena da arazoak alde batera utzi eta eraketa politikoan dauden mailen artean konpetentzien maila garbi bat.

Horrek Europako halamoduzko konstituzio bat egitea dakar.

EGUNKARIA.—Sistema honek balio du osatzeko dagoen hama-bosten Europarako?

ARREGI.—Oraingo funtzionamenduak ez du balio. Baina zein izango den balioko duen funtzionamendua ez dago garbi. Batez ere, nik uste, krisi barruan daudelako politika funtzioaren berdefinizio horren barruan. Estatua eta politika husten ari dira, baino ondoren zer eta nola sortuko den ez da garbi ikusten.

EGUNKARIA.—Hemen zein da Euskal Herriaren lekua eta zeregina?

ARREGI.— Bi milioi t'erdī gara 320 milioiko Europa batean. Orduan gure zeregina eta esperantza tamaina horretan ikusi behar dira. Askotan esan izan da Europa Espainiatik ihes egiteko alternatiba dela. Nik uste dut Euskal Herriak egin dezakeen gauzarik handiena, politika eta Estatuaren berplanteatze horretan dauzkagun gabeziengatik eta Historiak kokatu gaituen halako egoera ez bateko eta ez besteko horretan, hori bera aprobetxatzea dela aktiboki politikaren definizioan. Barnetik Estatua galtzen doan indar sinboliko horren berdefinioan zerbait egin dezakegu inertzia gutxiago daukagulako eta gutxiago baldintzatuta gaudelako.

OSKAR MONTERO



Iruñeko Udalak ongi etorria egin dio UEUri

Iruñeko Udalak ongi etorria egin zion atzo Udako Euskal Unibertsitateari (UEU). Joaquín Pascal alkateordea izan zen Iruñeko Udalaren eta herriaren izenean harrera egin ziona Kepa Altonaga UEUko zuzendariari. Pascalek eta Altonagak liburuak trukatu zituzten, UEUk urtero kulturari eta irakaskuntzari ematen dion ekarpenaren sinbolo modura. Alkateordeak UEUk egiten duen lana goraiatu zuen eta bide horretan jarraitzeko animatu.

UNIVERSIDAD PÚBLICA DE NAVARRA
NAFARROAKO UNIBERTSITATE PUBLIKOA

IKASLE BERRIEK LEHENENGO KURTZOAN MATRIKULATZEKO EGUTEGIA

1995/96

Nafarroako Unibertsitate Publikoan aukeratutako titulaziotako lehenengo kurtsoan unibertsitate-ikasketak egiteko onartuta dauden ikasleek, behean aipatutako egunean egin beharko dute matrikula. Hala egin ezean, ikasleak galdu egingo du eskatutako plaza betetzeko eskubidea, eta hori, lehentasun ordenaren arabera, dagokionari emango zaio.

Uztailak 26:

- ELEKOMUNIKABIDE-INGENIARIA
- INGENIARI INDUSTRIALA
- EKONOMIAN LIZENTZIATUA
- ENPRESEN ADMINISTRAZIO ETA ZUZENDARITZAN LIZENTZIATUA

Uztailak 27:

- INGENIARI TEKNIKOA NEKAZARITZA ETA ABERE-HAZKUNTZAKO USTATEGIETAN
- INGENIARI TEKNIKOA BARAZKI-FRUTAZAINTZA ETA LORAZAINTZAN
- INGENIARI TEKNIKOA NEKAZARITZAKO INDUSTRIETAN
- DIPLOMADUNA ENPRESA ZIENTZIETAN

Uztailak 28:

- NEKAZARITZA INGENIARIA
- DIPLOMADUNA ERIZAINTZAN
- DIPLOMADUNA LAN HARREMANETAN
- LIZENTZIATUA ZUZENBIDEAN

Uztailak 31:

- INDUSTRI INGENIARI TEKNIKOA
- DIPLOMADUNA GIZARTE LANETAN
- HAUR HEZKUNTZAKO MAISUA
- LEHEN HEZKUNTZAKO MAISUA
- ATZERRIKO HEZKUNTZAKO MAISUA
- MUSIKA HEZKUNTZAKO MAISUA

Abuztuak 1:

- LIZENTZIATUA SOZIOLOGIAN

Matrikula bukatuta, gelditzen diren tokiak bete egingo dira, lehentasunezko irizpideak errespetatuz, plaza guztiak bete arte. Kalifikazio ordenari jarraiki, matrikulatzeko posibilitatea jakinaraziko zaio ikasleari, eta zein epetan egin beharko duen hori, Matrikula irailan egingo da.

MATRIKULA ORRIAK: Uztailaren 17tik daude salgai Atezaintzan (Ikasgelen eraikineko, behekopiantan — Arrosadiako kanpua).

MATRIKULA: Aipatu egunetan Esperimentalen eta Ez-esperimentalen bulegoetan (Ikasgelen eraikineko beheko plantan — Arrosadiako kanpua). Ordutegia: 9:00etatik 14:00etara.